

杜詩集注

第一函
第七冊



集千家註杜工部詩集卷之七

明長洲許自昌玄祐甫校

酬高使君

鶴曰公初到成都寓居於浣花溪寺時高適爲彭州刺史以詩寄贈口上

元元年成都府作

古寺僧牢落。空房客寓居。故人供祿米。隣舍與園蔬。

雙樹客聽法。三車肯載書。草玄吾豈敢。賦或似相如。

夢弼曰涅槃經云世尊在雙樹間演說如是。大經又

法華經火宅喻三車牛車羊車鹿車也。宋曰漢揚雄

作太玄經又每作賦擬相如。本傳云哀帝時丁傳董

賢用事時雄方草太玄有以自守泊如也。又云孝成

帝時客有薦雄文似相如者。容齋隨筆云古人酬和

詩必各其來意。非若今人爲次韻所局也。觀文選

編何劭張華盧諶劉琨二陸三謝諸人贈答可知已
唐人尤多姑取杜集畧紀之高適寄杜公云愧爾東
西南非人杜則云東西南非更堪論高又有云草玄
今已畢此外更何言杜則云草玄吾豈敢賦或以相
如嚴武寄杜云興發會能馳駿馬終須重到使君灘
杜則云休沐旌麾出城府草茅無徑欲教鋤杜公寄
嚴詩云何路出巴山重巖細菊斑遙知簇鞍馬回首
白雲間嚴答云臥向巴山落月時籬外黃花菊對誰
跋馬望君非一度嶺猿秋鴈不勝悲杜送韋迢云洞
庭無過鴈書疏莫相忘迢云相憶無南鴈何時有報
章杜云雖無南去鴈看取非來魚郭受寄杜云春興
不知凡幾首杜答云藥裏關心詩總廢皆如鐘磬在
簾扣之則應徃來反覆於是乎有餘味矣

贈杜二拾遺

高適

傳道招提客詩書自討論
佛香時入院僧飯屢過

門聽法還應難尋經剩欲翻草玄今已畢此後

何言

洙旦招提謂佛寺也注詳見前支遁與許詢同講維摩經互設難焉翻詳也

奉酬李都督表文早春作

力疾坐清曉來詩悲早春轉添愁伴客更覺老隨人

紅入桃花嫵青歸柳葉新望鄉猶未已四海尚風塵

起十字蓋典故接得荏弱有情情已累盡故入景更長卽如行文不得不爾後人堆實軟乏皆未喻

卜居鮑曰公到成都西郭浣花溪作草堂趙曰楚辭

屈原自卜居一篇公倚以爲題

浣花溪水西頭主人爲卜林塘幽已知出郭少塵

事更有澄江銷客愁無數蜻蜓齊上下一雙鷗鷺對

沉浮

盤渦鷺浴底心性伯仲之間見伊呂岐王宅裏

一柱觀頭逐有馮夷始知羸女無數一雙三十兩箇

一行自去自來相親相近生憎不分自今以後此等

皆肆筆縱橫有疎野氣入家數

不可無俗眼之所遺更以為笑

東行萬里堪乘興須

向山陰上小舟

鶴曰寰宇記浣花溪在成都西郭外

玄暉詩澄江淨如練蜀有萬里橋在浣花溪之東昔

孔明送吳使至此曰萬里之行從此始矣因是得名

乘興謂欲效王子猷月夜泛舟謁戴安道也山陰王

子猷所居之地詩體云引韻便失粘既失粘則若不

拘聲律然其對偶精到謂之骨

格蘇李體老杜卜居一篇是也

王十五司馬弟出郭相訪兼遺營草堂贊

客裏何遷次江邊正寂寥肯來尋一老愁破是今朝
憂我營茅棟攜錢過野橋他鄉唯表弟還往莫辭遙

堂成

背郭堂成蔭白茅綠江路熟俯青郊
檜林礙日吟風

葉

（公自注）檜木名不材可充薪而已惟蜀地最宜種

籠竹和煙滴露梢暫止

飛鳥將數子頻來語燕定新巢
旁人錯比揚雄宅嬾

情無心作解嘲

（夢弼曰）蜀中記玉壘以東多檜木易成而可薪美蔭而不害然余嘗歷攷

韻書無檜字詢之蜀人相傳以爲丘宜切後見王荆公集中有薛秀才檜木詩云濯錦江邊木有檜小園封殖佇華滋地偏幸免桓魋伐歲晚聊同庾信移則知丘宜切爲是也又蜀有竹名籠鐘籠力鍾切洙曰

揚雄傳雄有田一廛有宅一區世世以農桑爲業哀
帝時丁傳董賢用事雄方草太玄或嘲雄以玄尚白
而雄解之號曰解嘲左太冲詠
史詩寂寂揚子宅門無卿相與

遊修覺寺

野寺江天豁。山扉花竹幽。詩應有神助。吾得及春遊。
徑石相縈帶。川雲自去留。禪枝宿衆鳥。漂轉暮歸愁。
夢弼曰庚信安昌寺碑云禪枝四靜
慧窟三明孟浩然詩禪枝佈鴿樓

後遊

寺憶曾遊處。橋憐再渡時。江山如有待。花柳更無私。
必如此可以
言氣象矣野潤煙光薄。沙暄日色遲。客愁全爲減。

捨此復何之

賓至

幽棲地僻經過少老病人扶再拜難豈有文章驚海

內謾勞車馬駐江干

此與後文場語意似

竟日淹留佳客坐百

年麤糲腐儒餐不嫌野外無供給乘興還來看藥欄

宋曰詩寘之河之干今注干涯也梁范雲詩江干遠

樹浮麤糲腐儒衣糲食也君溪胡元任曰李濟翁資暇

集謂園庭中藥欄欄卽藥藥卽欄猶言圍援也乃引

漢宣帝詔曰池籞未御者假與貧民誤以籞爲藥遂

穿鑿爲說以解子美詩中云常苦沙崩損藥欄及乘

興還來看藥欄之意復齋謾錄又從而信之皆過矣

愚謂子美詩云藥欄

者直花藥之欄檻耳

狂夫

萬里橋西一草堂。百花潭水即滄浪。風含翠篠娟娟
靜。雨裊紅蕖冉冉香。厚祿故人書斷絕。恒饑稚子色
淒涼。欲填溝壑唯疎放。極無可奈何之意自笑狂夫老更狂。
宋曰蜀有萬里橋注見前鶴曰按寰宇記公之宅接
浣花溪地名百花潭上今公言潭水之清可比之滄
浪也宋曰唐舊史言公於成都浣花里結廬枕江與
田畯野老相狎嚴武過之有時不冠而見則狂可知
矣

有客

患氣經時久。臨江卜宅新。喧卑方避俗。疎快頗宜人。

有客過茅宇呼兒正葛巾目鋤稀菜甲小摘爲情親

師曰公嘗有肺疾故云患氣經時久也

夢弼曰謝靈運永嘉記以小摘供日

蜀相

夢弼曰諸葛武侯廟在成都西南

丞相祠堂何處尋錦官城外柏森森映堦碧草自春

色隔葉黃鸝空好音三顧頻繁天下計兩朝開濟老

臣心出師未捷身先死長使英雄淚滿襟全首如此一字一淚

矣。寫得使人不忍讀故以爲至。千年遺下此語

使人意傷。孫季昭已按蜀本杜詩並作錦官城其

云成都府城亦呼爲錦官城以江山明麗錯雜如錦

也趙云或以其有錦官如銅官鹽官之類其說亦是

不然止取錦而已何以更有官字乎余觀范至能參

政爲詩每官成一集所著錦官集蓋鎮成都府時作

也則身親見以都為錦官城故取以名之見杜子美
嘗十居成都浣花里其用官字必無誤當以蜀本為
在宋曰廟有古柏乃武侯手植也荆公語錄映堦碧
草自春色隔葉黃鸝空好音此止咏武侯廟而託意
在其中矣誠齋詩話句有偶似古六者亦有述之者
杜子美武侯廟詩云映堦碧草自色隔葉黃鸝空
好音此何遜行孫氏陵云山鶯空響壠月自秋暉
也杜云薄雲巖際宿孤月浪中翻此庾信白雲巖際
出清月波中上也出一二字勝矣陰鏗鶯隨入戶樹
花逐下山風杜云月垂葉露雲逐受溪風又云水
流行地日江入度山雲此一聯勝庾信云永韜三尺
劍更攬一戎衣杜云風塵三尺劍社稷一戎衣亦勝
庾矣宋曰本傳徐庶謂先主曰諸葛孔明臥龍也將
軍宜枉駕過之先主遂詣亮凡三往乃見兩朝言先
主及其子禪後主也夢弼曰庾亮表頻繁省闕出摠
六軍宋曰本傳亮悉犬衣由斜谷出據武功五丈原
與司馬懿對於渭南相持百餘日疾卒于軍

石笋行

田曰按石笋在成都西門外二味雙躡

人五寸南笋長一丈三尺圍極於一丈二尺蓋南笋公孫述時折故長不逮北笋

君不見益州城西門陌上石笋雉高蹲古來相傳是

海眼蒼鮮食盡波濤痕雨多往往得瑟瑟此事恍惚

難明論恐是昔時卿相墓立石爲表今仍存惜哉俗

態好蒙蔽亦如小臣媚至尊政化錯迕失大體坐看

傾危受厚恩嗟爾石笋擅虛名後生未識猶駿奔安

得壯士擲天外使人不疑見本根

率然兩語補拾成篇小臣媚至尊第

言其石狀蒙蔽不足指某事某事之牽合譬諭也

爾旦成都府舊爲益州田已杜光庭石笋記云舊傳

石笋之名有六曰石笋曰蜀妃闕曰沉犀石曰魚鼈
仙壇曰西海之眼曰五丁石門又成都記云距石笋
二三尺每夏月大雨往往陷作土穴泓水湛然凡三
五日忽然不見故有海眼之說彥輔曰成都記石笋
及林亭池石之地雨過必有小珠或青黃如粟者亦
有細孔可以絲貫夢卿曰蜀都故事石笋真珠樓基
也昔有胡人於此立寺爲大秦寺其門樓十間皆以
真珠翠碧貫之爲簾後摧毀墮地唯故基在每有大
雨其前後人多得真珠瑟瑟金翠異物等奢舒曰按
博雅瑟瑟碧珠也杜陽雜編有瑟瑟幕其色輕明虛
薄無與爲比洙曰蜀王本紀云武都丈夫化爲女子
蜀王納以爲妃無幾物故葬於成都郭中以石作鏡
一枚表其墓又華陽國志云妃死王遣五丁之武都
擔土作冢立其石因名石笋希曰寰宇記望帝禪位
于相號開明帝開明下五葉復稱王始立宗廟時天
生五丁力士能徙山每一上死輒爲立人石長三丈
重千鈞爲墓誌題曰小臣媚至尊譏李輔
國也時輔國離間二宮擅權之跡甚彰也

漫興九首

眼見客愁愁不醒。無賴春色到江亭。卽遣花開深造

次。便教鶯語太丁寧。

卽遣便教正是詩意

手種桃李非無主。野老牆低還是家。恰似春風相欺

得。夜來吹折數枝花。

疎野有佳致。蔡寬夫詩話云。王元之在商州嘗賦詩云。兩株

桃杏映籬斜。裝點商州副使家。何事春風客不得。和

絲吹折數枝花。其子嘉祐云。老杜嘗有恰似春風相

欺。得夜來吹折數枝花之句。語頗相似。因請易之。元

之忻然曰。吾詩精詣。遂能暗合子美耶。更爲詩曰。本

與樂天爲後進。敢期杜甫是前身。卒不復易。蓋元之詩本學樂天也。

孰知茅齋絕低小。江上燕子故來頻。銜泥點污琴書

內更接飛蟲打著人。

其閨情院體又如此

二月已破三月來。漸老逢春能幾回。莫思身外無窮。

事。且盡生前有限杯。

總如此則樂天矣。孫季昭曰。杜詩只一字出奇。便有過人處。

如二月已破三月來。一片花飛減却春。朝罷香煙攜

蒲袖。生憎柳絮白於綿。何用浮名絆此身。則下得減字。破字。携字。於字。絆字。皆不可及。

腸斷春江欲盡頭。杖藜徐步立芳洲。顛狂柳絮隨風舞。輕薄桃花逐水流。

懶慢無堪不出村。呼兒自在掩柴門。蒼苔濁酒林中

靜。碧水春風野外昏。

善自如此

糝徑楊花鋪白氈。點溪荷葉疊青錢。荀根稚子無人

見。沙上鳬雛傍母眠。

平常景多少幽意爲
儒牽強解事讀之可惜

舍西柔桑葉可拈。江上細麥復纖纖。人生幾何春已

夏。不放香醪如蜜甜。

隔戶楊柳弱嫋嫋。恰似十五兒女腰。誰謂朝來不作

意。狂風挽斷最長條。

野人漫興深人情
盡豈復有能注者

題新津北橋樓得郊字

鶴曰新津縣在蜀州公
居成都嘗暫如新津故

有題北

橋樓詩

望極春城上。開筵近鳥巢。白花簷外朶。青柳檻前梢。

此稍采却全嫩故
轉入老語生強
池水觀為政府煙覺遠庖西川供

客眼唯有此江郊

雲山

京洛雲山外音書靜不來神交作賦客力盡望鄉臺

此神交力盡亦開合展轉盡
是無可奈何者多看過了
衰疾江邊臥親朋日暮

迴白鷗元水宿何事有餘哀
夢弼曰京言長安西都也洛言洛陽東都也作

賦客指班孟堅張衡也孟堅作西都東都賦張衡作
西京東京賦洙曰晉嵇康與阮籍山濤為神交成都

記有望鄉臺隋蜀王秀所築鄭旦益州
記昇仙亭夾路有二臺一日望鄉臺

杜鵑行
夢弼曰成都記杜宇亦曰杜宇自天而
降稱望帝好稼穡教人務農治郫城時